

gationis, Societatis, & Instituti, etiam necessario, & in indivi-
duo exprimendi, existenti-
um intra fines Italiae, & Insularum,
adjacentium, ut singuli ad quos pertinet,
adhibitis duobus, vel tribus Regularibus
sui Ordinis probatoribus, ac rerum usu-
perioribus, bona immobilia, census, red-
ditus, ac proventus omnes Monasterio-
rum, Conventuum, Collegiorum, ac Do-
morum Regularium hujusmodi (etiam si
sint Hospitia, vel ab alio Monasterio de-
pendeant, sintve illius Granciae, seu mem-
bra) sex annorum immediate praecedentium
habita ratione, ac detracto omni eo quod
grandines, sterilitates, reparationes, &
alii casus hujusmodi absorbere solent;
Consuetas item elemosynas, & obventiones.
Item victus, vestitus, ac medicinalium,
& alias quascumque tam ordinarias, quam
extraordinarias expensas, aris quoque alieni,
necnon Missarum celebrandarum, Fabricae,
Sacristiae, annuarum praestationum, contribu-
tionum, ac procurationum, aliave cujusvis
generis onera diligentem, ac mature recognoscant,
eaque omnia in scriptura redigant, exprimen-
tes ipsius Monasterii titulum, seu denominationem,
item capacitatem, ac situationem, videlicet
in qua Dioecesi, & an intra moenia Civitatis,
vel Oppidi, anve in Pagis, seu Villis, vel in
Silvis, aut nemoribus, & quantum distet a
locis frequentibus, & populosis. Item a quo
tempore fundatum fuerit, quae auctoritate,
& cujus sumptibus, anve, & a quo numerus
Religiosorum in eo fuerit aliis praefixus,
& quot ibi Religiosi, & servientes in praesentia
degant, specificatis uniuscujusque nomine,
cognomine, & patria, scripturam sic confectam
propria manu subscribant, medio juramento
attestantes vera esse omnia, quae in ea continentur,
consuetoque sigillo obfirmatam, infra quatuor
menses a publicatione praesentium in hac Alma
Urbe nostra ut infra facienda computandos
transmittant, seu consignent Procuratori
Generali sui Ordinis in Urbe commoranti,
qui una cum aliquibus gravioribus Religiosis
a Congregatione praedictorum Cardinalium,
& Praelatorum ad hoc specialiter deputandis,
negotio nature perpenso, ac computatis
hujusmodi redditibus, elemosynis, & obventionibus
universis, atque oneribus, ut supra, detractis,
sedulo examinent quot Religiosi homines,
connumeratis etiam laicis, aliisque necessariis
servientibus, in unoquoque Monasterio, Conventu,
Collegio, & Domo Regulari [quamvis, ut
praemittitur, sit Hospitium, seu alterius
Monasterii membrum] juxta proprii Instituti
morem, victum, & vestitum, ac medicinalia
in communi habentes commode valeant sus-
tentari, omnibusque diligenter discussis, familiae
cujusque Monasterii, Conventus, Collegii, ac
Domus Regularis hujusmodi in qualibet
Provincia, vel Congregatione, certum earum
tantum personarum numerum praefigat, quae
redditibus, elemosynis, & ob-

ventionibus, ut supra competenter ali possint,
eisque numeri praefixiones una cum originalibus
scripturis, super statu cujusque Monasterii,
ac Domus Regularis a Superioribus, ut
praefertur, confectis, infra alios quatuor
menses eidem Congregationi Cardinalium,
ac Praelatorum exhibeat, ut ab ea recognoscantur,
& probentur.

§.4. Quod si memorati Superiores, ac Procurator
Ordinis intra praefixum terminum praedicta
adimplere neglexerint, privationis vocis
activae, & passivae, necnon officiorum,
quae tunc temporis obtinebunt, & inhabilitatis
ad illa, vel alia in posterum obtinenda
perpetuam poenam eo ipso, absque alia
declaratione incurrant, rehabilitatione
Nobis, & Sedi Apostolicae reservata.

§.5. Interea vero prohibemus, & interdici-
mus omnibus, & singulis Capitalibus, &
Congregationibus Generalibus, Provincialibus,
& Conventualibus, necnon Superioribus
tam Generalibus, quam Provincialibus, &
Localibus antedictis, ne deinceps quemquam
ad debitum suae Religionis recipiant, nec jam
receptos, aut in posterum contra hujusmodi
prohibitionem forsitan recipiendos ad
Professionem admittant, donec scripturae
praedictae, & praefixiones numeri familiae
cujusque Monasterii, ac Domus Regularis
hujusmodi, eidem Congregationi Cardinalium,
& Praelatorum realiter, & cum effectu fuerint
exhibita, ac deinde memorati Superiores
licentiam recipiendi ad habitum, & Professionem
ab eadem Congregatione obtulerint. Alioquin
receptiones tam ad habitum, quam ad
Professionem aliter factae, sint ipso jure
nullae, nullamque inducant obligationem
ad Religionem in specie, vel in genere,
aut ad alios quoscumque effectus.

§.6. Et nihilominus contravenientes
sententiam excommunicationis incurrant,
a qua per alium, quam per Nos, & Romanum
Pontificem pro tempore existentem, nisi
in mortis articulo constituti absolvi non
possint.

§.7. Non obstantibus quod praemissa
omnia, & singula Constitutionibus, & Ordinationibus
Apostolicis, in favorem quorumcumque
personarum, atque Ordinum tam Mendicantium,
quam non Mendicantium, Congregationum,
Societatum, & cujusvis alterius Instituti,
etiam Societatis Jesu, & Monasteriorum,
Conventuum, Collegiorum, Domorum, ac
locorum Regularium quorumcumque, necnon
aliorum, etiam juramento, confirmatione
Apostolica, vel quavis firmitate alia
roborationis statutis, vel consuetudinibus,
etiam immemorabilibus, exemptionibus
quoque, indultis, & privilegiis etiam ex
causa, & titulo oneroso, vel in limine
fundationis, etiam Mari magno, seu
Bulla aurea, aut aliter nuncupatis sub
quibuscumque tenore, & formis, & cum
quibusvis etiam derogatoriis, aliisque
efficacioribus, & ob-

Praedicta adimplere negligenter perne.

Prohibet quomquam ad habitum recipi, donec praedictae scripturae fuerint exhibita.

Contravenientibus poenas imponit.

Contrariis derogat.

Ad futuram rei memoriam.

§.1. **D**udum fel. rec. Sixtus Papa V. Praedecessor noster, ut tunc suorum, & Sedis Apostolicae Subditorum, conservationi prospiceret, Civitates, Castra, Oppida, Jurisdictiones, feuda, & bona quaecumque stabilia, seu immobilia in Statu Ecclesiastico consistentia per quemcumque cujusvis status, gradus, ordinis, qualitatis, & conditionis, existeret, etiam si Imperiali, Regali, Ducali, vel alia quavis auctoritate, ac dignitate etiam Ecclesiastica, quae specialem, & individua, mentionem requireret, praeditus esset, nullatenus vendi, permutari, ultra triennium locari, in emphyteusim, feudum, livellum, pignus, seu precarium concedi sine sua, & Sedis Apostolicae licentia in aliquam Communitatem, Universitatem, Collegium, vel personam extraneam, seu forensam, etiam ut praemittitur quomodolibet qualificatam, quae dictae Sedi in temporalibus subdita, & supposita non esset, vel quae in dicto Statu domicilium legitime non contraxisset, praedictas vero Civitates, Castra, Oppida, Fortalitia, & alia quaecumque Jurisdictionalia, praesertim feudalia, tam in forenses, quam in subditos quoscumque quomodolibet qualificados vendi, permutari, ac donari, nisi praecedente praedicta licentia Apostolica prohibuit, sub poena nullitatis contractuum, aliorumque gestorum. In praefata tamen prohibitione, neque census, neque officia, neque portiones, seu loca montium, nec mulierum dotes, nec Almam Urbem cum ejus circuitu ad decem millia passuum voluit comprehendi, quos tamen, & haeredes praefatarum mulierum soluto matrimonio, si exteri forent, adstrictos esse infra triennium venire ad habitandum in eodem Statu, vel bona praefata in alium, seu alios habitatores, ac subditos transferre statuit, Civitatibusque derogavit.

§.2. Deinde rec. mem. Clemens Papa VIII. etiam Praedecessor noster volens hominum malitiis, & fraudibus quae nedom directe, sed etiam indirecte circa praemissa committi possent occurrere, & dubia quae super illis emergebant declarare, per suas sub dat. pridie Nonas Julii Pont. sui anno decimo confectas literas, Constitutionem ejusdem Sixti Praedecessoris innovavit, & quascumque Communitates, Universitates, & Collegia, non tamen Ecclesiastica extra Statum Ecclesiasticum existentia, necnon etiam quovis Principes extraneos bona aliqua stabilia non solum in finibus ejusdem Status Ecclesiastici, & juxta terminos, ac limites Ditionum eorumdem Principum, sed etiam in quacumque alia ejusdem Status Ecclesiastici parte, & in ipsa Urbe existentia, necnon census, aliaque bona, & jura, quae pro stabilibus habentur (non tamen officia Romanae Curiae, nec portiones, & loca montium) nullo

Hae Constitutio Sixti V. citatur in rubr. hujus constitutionis.

Hae Constitutio Clementis VIII. est illius Pontificis septuagesima octava.

ribus, & insolitis clausulis, necnon irritantibus Decretis, etiam motu proprio, & ex certa scientia, ac de Apostolica potestate plenitudine, ad Imperatoris, Regum, seu aliorum Principum instantiam, aut alias quomodolibet etiam per viam communicationis, seu extensionis concessis, & iteratis vicibus approbatis, & innovatis. Quibus omnibus, & singulis quoad ea praesentibus quomodolibet adversantur, etiam si pro illorum sufficienti derogatione, de illis, eorumque totis tenoribus, & formis, specialis, & individua, & de verbo ad verbum, non autem per clausulas generales idem importantes mentio, seu quavis alia expressio habenda, aut quavis alia exquisita forma servanda esset, tenores hujusmodi, ac si de verbo ad verbum nihil penitus omisso, & forma in illis tradita observata, inserti forent, praesentibus pro expressis habentes, illis alias in suo robore permansuris, specialiter, & expresse derogamus, ceterisque contrariis quibuscumque.

§.8. Volumus autem quod praesentes literae in valvis Ecclesiae Lateranensis, & Basilicae Principis Apostolorum, necnon Cancellariae Apostolicae, ac in Aede Campi Florae de eadem Urbe publicentur, & affigantur. Quae postquam sic affixae, & publicatae fuerint, omnes, & singulos quos illa concernunt, per inde ardeant, & afficiant, ac si unicuique eorum nominatim, & personaliter intimatae fuissent.

§.9. Quodque earum praesentium transcriptis etiam impressis, manu alicujus Notarii publici subscriptis, & sigillo alicujus personae in dignitate Ecclesiasticae constitutae munitis, eadem prorsus adhibeatur fides in iudicio, & extra illud ubique, quae adhiberetur praesentibus, si forent exhibitae, vel ostensa.

Datum Romae apud S. Mariam Majorem, sub Annulo Piscatoris die 17. Decembris 1649. Pont. nostri Anno VI.

CXXXIII.

Confirmatio, Declaratio, & Extensio Constitutionum Apostolicarum de non contrahendo in favorem Forensium super bonis stabilibus in Statu Ecclesiastico consistentibus.

Alienare, vendere, permutare, ultra triennium locare, in Emphyteusim, feudum, livellum, pignus, seu precarium concedere, in non Vasallos nemo potest bona stabilia in Statu Ecclesiastico ex Sixti V. Const. 7. Sollicitudo Tom. IV. Par. IV. fol. 134. Alienationem praedictam ampliorit Clem. VIII. in sua Const. 250. Romanum Tom. V. P. II. fol. 371. & Paulus V. Const. 281. Pastoralis Tom. V. Par. IV. fol. 246. Item & Urbanus VIII. Const. 551. Olim Tom. VI. Par. II. fol. 117.

Bull. Rom. Tom. VI. Par. III.

C c 2

con-

contractus, præterquam ex causa dotis inter vivos titulo acquirere, & habere potuisse, neque deinceps posse declaravit, di-
clamque Sixti Prædecessoris Constitutionem ad quæcumque etiam genera contractuum, præterquam ut præfertur, ex causa dotis, & ad dispositionem inter vivos, ac etiam ad testamenta, codicillos, legata, fideicommissa, donationes causa mortis, & alias ultimas voluntates factas, & faciendas extendit, & ampliavit, pœnasque ammissionis bonorum, & aliorum prædictorum contrahentibus, ita quod Sedes, & Cam. Apost. eo ipso possit illa propria auctoritate capere, & pœnes se retinere viventibus ita disponentibus, ac privationis officiorum Tabellionibus, & Notariis, qui de contractibus, ut præfertur, prohibitis se rogarent, imposuit, aliaque etiam iussit, & decrevit.

Pauli V. Constit. 108. de qua in rubr.

§.3. Et insuper piæ memoriæ Paulus etiam V. Rom. Pont. Prædecessor noster, ne disposita per Six. & Clem. Prædecessores præfatos variis, & alienis ab eorum mente interpretationibus subverti, ac palliatis conventionibus eludi possent, etiam per suas sub dat. 12. Kal. Dec. Pont. sui anno 13. confectas literas præfatas Sixti, & Clementis Prædecessorum Constitutiones declaravit, & extendit, ac licentiam prædictam in scriptis prius obtineri, & in actu celebrationis contractus apud Notarium exhiberi mandavit, & contrahentes nullitatis contractuum, & privationis rei alienatæ, seu translate, vel gravatæ, ad Tabelliones, seu Notarios pœnas falsi, & privationis officiorum omnium que obtinerent, & inhabilitatis ad illa, & alia in postero exercere, incurrere voluit, aliaque similiter disposuit.

Urbanus Const. 110. circa eundem materiam habes alibi.

§.4. Ac postmodum fel. rec. Urbanus Papa VIII. itidem Prædecessor noster, quia hominum versutia, & artificium adversus prædictarum literarum tenorem, vel dictorum Prædecessorum verisimilem mentem, & intentionem cautelas, & modos, absque præfata Ro. Pont. licentia alienandi, & contrahendi adinvenerat, per quasdam sub dat. Kal. Junii Anno Incarnationis Dom. 1627. præfatas Constitutiones confirmavit, & in eis bona in consensibus Territorii Baronalis existentia, ac Castro diruta, & Tenutas, sive Prædia, etiam non jurisdictionalia, censuræque super bonis huiusmodi impositos, & illorum vigore jurisdictionis comprehendendi declaravit.

§.5. Et successive per alias sub dat. 5. Kal. Octob. ejsdem anni 1627. terminum illis qui præmissis contraxerant, ut contractus, & gesta quæcumque, ut præfertur, prohibita retractarent præfixit, Notarios quoque etiam Sedis Apost. nuncupatos, etiam de numero participantium intra eundem trium mensium terminum, tam in exhibendo instrumenta, quam etiam alterius in adnotando in margine ipsorum Instrumentorum, cassationem, retractationem, restitutionem, & repositionem, in pristinum omnium contra Constitutio-

num, & literarum præfatarum tenorem, actorum paruisse debere, alias omnes privationis suorum officiorum, & alias omnes pœnas in eisdem Constitutionibus, & literis iniunctas incurrere decrevit, & declaravit.

§.6. Ac demum comperto quod etiam ex doris, seu contractibus causa dotium poterat Sedi Apost. ejsusque subditis non modicum fieri præjudicium, idem Urbanus Prædecessor per alias suas sub dat. die 3. Novemb. 1637. respectivo expeditas literas, nedum easdem Sixti, Clem. & Pauli Prædecessorum prædictorum Constitutiones, ac anteriores suas literas, omniaque, & singula in eis, & earum qualibet expressa, & prohibita, pœnasque tam nullitatis contractuum, ac dispositionum, quam alias quascumque ab eis, & singulis earum etiam contra Notarios, & alios quoscumque iniunctas approbavit, confirmavit, & innovavit; verum etiam illas ampliando, & declarando, easdem Constitutiones, ac omnia, & singula in eis, & earum qualibet contenta, ad quoscumque contractus, causa, vel prætextu dotium, quomodolibet in posterum incedendos, ac ad quascumque dotes etiam ratione educationis infantium, pupillorum, & aliarum personarum quarumcumque, & alias quomodolibet, per quoscumque sive subditos, sive forenses, de quibuscumque bonis, & iuribus, sive jurisdictionalibus, stabilibus tamen, seu immobilibus, aliisve bonis, & iuribus, que pro stabilibus habentur ubilibet in eodem Statu Ecclesiastico præsertim in consensibus ejsdem Status pro aliqua ejus parte contigui sitis, absque sua, & Rom. Pont. pro tempore existent. expressa licentia præfata, etiam absque aliqua palliatione assignandas cuicumque puellæ, seu mulieri in favorem cujuslibet forensis etiam Principis majoris potentie, vel ejus patris, matris, aviæ, sive paterni, sive materai, aut fratris, vel filii, aut nepotis etiam ex ejus fratre, vel sorore tunc nati, & quodcumque nascituri extendit, & ampliavit, addiditque pœnam privationis, & confiscationis ipsorum bonorum, ac jurium quorumcumque in favorem Camerae Apost. sive Ecclesiarum inferiorum, a quibus contrahentes, vel disponentes illa recognoverant, & recognoscebant, ac insuper omnia, & singula indulta, & licentias acquirendi, & non veniendi ad habitandum in Statu Ecclesiastico, & bona quæcumque in subditos transferendi, & aliis contra prædictas Constitutiones quomodolibet concessa, & concessas eo usque revocavit, & alias prout in singulis prædictis Sixti, Clementis, Pauli, & Urbani Prædecessorum huiusmodi Constitutionibus uberius continentur.

Require in Idice rubricarum Urbani VIII. Constitutiones de hac materia, tractantes, & que prohibent alienationem bonorum stabilium status Ecclesiastici in non subditos Sedis Apost.

Causæ hujus constitutionis.

§.7. Licet autem satis plana, & aperta sit prædictarum Constitutionum dispositio, & ex illis enixa voluntas, & intentio, eorundem Prædecessorum prohibendi quascumque conventiones de, & super bo-

bonis stabilibus, & iuribus quæ pro stabilibus habentur, in dicto Statu Ecclesiastico existent. seu illorum occasione in favorem forensium directe, & indirecte, sive per viam pignoris, sive simplicis hypothecæ, sive cujuslibet actionis etiam personalis, aut promissionis de vendendo, seu alteri non vendendo, seu de præferendo si quando vendi contingeret, sive alterius cujuscumque promissionis, aut conventionis, & aliorum cujusvis generis contractuum, non præcedente tamen dicta Sedis Apost. licentia liquido eliciatur, ita ut alii declarationi, seu interpretationi locus nequiquam esse videatur; Nihilominus quia Nobis innovuit nonnullos excogitatis quibusdam modis, & cautelis, genuinum earundem Constitutionum sensum invertente, & veram eorundem Prædecessorum intentionem declinare, ac pœnas in Constitutionibus huiusmodi comminatas evitare conatos fuisse, contrahendo sive per instrumenta publica, sive per apocas privatas, & quascumque alias scripturas cum forensibus super bonis immobilibus in dicto Statu Ecclesiastico existentibus non præcedente quidem expressa nostra licentia, at cum speciosa palliatione reservationis beneplaciti Apost. seu cum clausulis quatenus non obstant Constitutiones Apost. ac ex nunc pro tunc quando cessaverint earum obstacula, & non alias, aliter, nec alio modo, aut per viam promissionis de vendendo, vel alteri non vendendo, seu aliis præferendo, & subrogando in iuribus, & locum alterius jus, seu hypothecam in bonis huiusmodi habentis, aliisque similibus, vel dissimilibus clausulis conditionem in iuribus, & privilegiis dotium inducentibus, necnon etiam cum relatione ad minutas, & scripturas penes contrahentes, vel alios retentas, vel contrahendo per Procuratorem, aut negotiorum gestorem vigore mandati generalis, aut aliter concepti, vel per alium cujuscumque etiam quantumvis privilegiatæ, & expressam, ac individuum mentionem requirentis personæ, seu ejus bonorum Administratorem cujuscumque gradus, conditionis, & dignitatis, etiam cum decreto Judicis, & aliis tam de jure, quam ex statutis, & quavis alia dispositione requisitis solemnitatibus; pretendentes insuper sat esse, si forenses civilitatem ex privilegio acquisiverint, vel apud acta publica contestentur eligere se, vel habere velle domicilium in Urbe, aut Statu prædicto, etiamsi re vera non concurrant cætera ad contrahendum legitime domicilium juxta easdem Constitutiones requisita.

Prædictas constitutiones Apostolicas suorum Prædecessorum confirmat, approbat, imo innovat hic Sanctus Pontifex.

§.8. Idcirco Nos ut ea quæ pro communi Status nostri Ecclesiast. bono, nostroque, & dictæ Sedis subditorum utilitate per dictos Prædecess. adeo provide, & salubriter constituta fuerunt, recisa omni obliquæ interpretationis ansa, ad amussim, & inconcussè serventur pro pastoralis nostra sollicitudine providere volentes, rationesque quibus prædicti Prædecessores

moti fuerunt, etiam in contractibus cum prædictis clausulis, & conditionibus initis, immo majores propter adeo studiosam sententiæ dictarum Constitutionum circumventionem urgere attententes, necnon prædictarum Constitutionum, ac quorumcumque contractuum contra illarum formam, & mentem initorum, licentiarumque, si quæ sint, contrahendi cum forensibus super bonis, & iuribus prædictis per Prædecessores nostros, aut etiam Nos ipsos, vel nostra, & illorum auctoritate quomodolibet forsan concessarum, aliorumque hic etiam de necessitate exprimentorum, & inferendum tenores, ac datas etiam veriores præsentibus pro expressis, ac de verbo ad verbum insertis habentes. Motu proprio, ac ex certa scientia, & matura deliberatione nostris, deque Apost. potestatis plenitudine hac nostra perpetuo valitura Constitutione præfatas Sixti, Clem. Pauli, & Urbani Prædecess. huiusmodi Constitutiones, ac omnia, & singula in illis, & earum qualibet contenta, confirmamus, & approbamus, illisque perpetuæ, & invariabilis confirmationis, & approbationis vim, & robur adicimus, & quatenus opus sit, illas, & illa innovamus.

Contractus cum reservatione beneplaciti Apost. & hæc Constitutione comprehendit.

§.9. Ac insuper contractus huiusmodi cum reservatione beneplaciti Apost. seu cum clausulis quatenus non obstant Constitutiones Apost. ac ex nunc pro quando cessaverint earum obstacula, vel personarum incapacitas, seu inhabilitas, & non alias, aliter, nec alio modo, aut per viam promissionis de vendendo, & alteri non vendendo, seu alii præferendo, & subrogando in iuribus, & locum alterius jus, seu hypothecam in bonis huiusmodi habentis, etiam in iuribus, & privilegiis dotium, aliisque similibus, vel dissimilibus clausulis, etiam conditionem, & consensum conditionalem inducentibus, necnon etiam cum relatione ad minutas, & scripturas penes contrahentes, vel alios retentas, ac etiam per Procuratorem, aut negotiorum gestorem vigore mandati generalis, aut sub quocumque alio verborum tenore, & conditione concepti, vel per alium cujuscumque etiam quantumvis privilegiatæ, & expressam, ac individuum mentionem requirentis personæ, seu ejus bonorum Administratorem cujuscumque gradus, conditionis, & dignitatis existent. etiam cum decreto Judicis, & aliis tam de jure, quam ex statutis, & quavis dispositione requisitis solemnitatibus initis, & deinceps incedendos sub præfatis Constitutionibus, & prohibitionibus comprehensos fuisse, ac esse, & de cætero fore, omnesque, & singulos sic contrahentes pœnis in eisdem Constitutionibus iniunctis subjacuisse, & subjacere.

Et licentiam in scriptis obtinendam super huiusmodi contractibus declarat.

§.10. Præterea nostram, & pro tempore existentis Rom. Pont. licentiam in scriptis obtinendam quemcumque; contractum cum quibusvis pactis, & conditionibus in favorem forensis super bonis, iuribus

busque predictis initum, & ineundum realliter praeedere, ad effectum ut contrahentes essent, & sint habiles ad contrahendum tempore contractus, eandemque licentiam in ipso contractu, scripturisq; desuper confectis, & conficien. de verbo ad verbum, ut de ejus tenore certius constet, inferri debuisse, & debere: Civilitatemque, cujuscumque Civitatis, & loci etiam Urbis, ex privilegio etiam Apost. & ex quacumq; causa, & titulo etiam oneroso, ac sub quavis verborum amplitudine acquisitam, aut domicilii in Urbe, vel Statu predictis, etiam apud acta publica electionem nequaquam suffragari potuisse, & posse ad effectum, ut aliquis quoad praemissa forensis non censetur, sed oportuisse, & oportere, ut forensis vere, realiter, & personaliter, ac cum effectu domicilium scilicet, larem, rerumque, & fortunarum suarum in Urbe, vel Statu predictis in perpetuum, ante contractum hujusmodi legitime constituerit cum animo, & intentione non recedendi, neque ad predictum effectum habitationem quantivis temporis, sive ratione officii, muneris, servitii, aut etiam studii, sive ex alia quacumque causa sufficere declaramus.

Alia praedicta Sedi A. post. prohibet

§.11. Ad haec cum aequae praedictarum Sedi praedictae, suisq; subditis esse comprobetur super Casalibus, & Tenutis, ac Pedicis prope Urbem praedictam existentibus in favorem forensium quomodolibet contrahi, propterea Constit. praedictas, ut praemittitur, declaratas, ac omnia in eis contenta, etiam ad quacumque Casalia, seu Tenutas, & Pedicas, sive jurisdictionalia, sive non jurisdictionalia ultra quatuor ab eadem Urbe milliaria consisten. extendimus, & ampliamus. Etsi quod Casale, vel Tenua, aut Pedica partim, ultra, & partim intra quatuor milliaria hujusmodi existat illam partem, quae est ultra quatuor milliaria cujuscumque quantitatis sive sit principalis, sive accessoria alterius partis infra quatuor milliaria existentis, sub praedictis Constitutionibus per Nos, ut praefertur, declaratis, & extentis in futurum comprehendere volumus.

Ultra penas in d. Constitutionibus apponitas, alias superaddit.

§.12. Ac ut eo major sit praedictarum, & hujus nostrae Const. observantia, quo gravioribus penis munitae fuerint, ultra penas in dictis Praedecessorum praedictorum Constitut. apponitas, aliasque a jure communi contra similia perpetrantes inflictas (salvis tamen semper, quibuscumque Camerae nostrae praedictae juribus, quoad penas vigore Constitut. praedictarum, Praedecessorum nostrorum hujusmodi, ac de jure communi, & aliis quomodolibet etiam quoad pretium, & contra quascumque personas etiam quantumvis privilegatas etiam ratione cujuscumque minoris aetatis incurtas, etiam quoad Tutores, Curatores, Actores, Administratores, Procuratores, & negotiorum Gestores, & alios quoscumque cujusvis gradus, conditionis, & dignitatis, haecenus, tam super bonis, quam super pretio quomodolibet acquisitis, & competentibus) etiam penas con-

fiscationis bonorum, & jurium praedictorum si sine precedente licentia praedicta, & ut praemittitur, inserta super illis in favorem forensis quoquomodo, etiam cum praedictis, & quibusvis aliis conditionibus, & cautelis contrahens illorum dominus absolutus fuerit, ex tunc in perpetuum; alioquin si fideicommissio, aut primogenitura, aliive restitutioni obnoxia fuerint durante vita contrahentis dumtaxat ad favorem Camerae Apostolicae, vel aliorum locorum priorum a quibus bona praedicta recognoscuntur, etiam si contractus initus fuerit per Tutorem, Curatorem, Actorem, Administratorem, Procuratorem, negotiorum gestorem, & quemcumque alium cujusvis gradus, conditionis, & dignitatis, necnon quatenus in dictis Constitut. explicite, vel implicite non contineretur, etiam penam confiscationis pretii bonorum hujusmodi, sive solum, sive promissum, sive destinatum, & interim ad cambium, aut sub alio interfusorio, seu alio quocumque nomine, & titulo penes contrahentes, vel alios relictum fuerit ad favorem Camerae praedictae eo ipso absque alia declaratione; illis vero qui alieno nomine contraxerint, vel consensum desuper quomodolibet praestiterint cujuscumque gradus, vel conditionis, aut dignitatis existant, penas nostras, & pro tempore existentis Rom. Pont. arbitrii eo ipso pariter incurrendas addimus, & adjungimus.

§.13. Demum alteri simili per nos alias factae revocationi inharendo, omnes, & quascumque licentias, & facultates contrahendi sine pravia nostra, & pro tempore existent. Rom. Pont. licentia super bonis, juribusque praedictis in favorem forensium a Praedecessoribus nostris, seu eorum auctoritate, vel etiam a Nobis ipsis cuicumque; etiam speciali mentione digno etiam motu simili, & aliter quomodolibet concessas denuo revocamus, annullamus, & abolemus, neminique in futurum suffragari volumus.

§.14. Caeterum quoad casus qui jam evenerunt uberius providere volentes [salvis tamen semper juribus Camerae praedictae quoad penas vigore Constitutionum praedictorum Praedecessorum nostrorum hujusmodi, ac de jure communi, & aliis quomodolibet etiam quoad pretium, & aliis ut supradictum est, incurtas] omnibus, & singulis etiam minoribus cujuscumque aetatis, qui contra praefatarum dictorum Praedecessorum Constitut. per Nos, ut praemittitur, declaratarum, & hujus nostrae dispositionem per se, vel per alium, & aliis quomodolibet etiam cum decreto Judicis, & aliis solemnitatibus, ut praemittitur, contraxerunt, etiam si minores cujuscumque aetatis, & alii quicumque praetenderent se in penas per praefatas, & hanc nostram Constitutionem inflictas minime incidisse, necnon praedictis omnibus, & singulis qui alieno nomine contraxerunt, vel desuper consensum quomodolibet praestiterunt cujuscumque gradus, conditionis, & dignitatis existent. terminum trium-

Omnes contrahendi licentias revocat.

Quibusdam casibus, qui jam evenerunt providet.

mensum a die publicationis praesentium, computan. intra quem omnes, & singuli praedicti omnia, & singula contra tenorem Constit. hujusmodi gesta, & inde secuta, quaecumq; retractasse, & revocasse, actusq; retrosimili reipia, & cum effectu in pristinum, & cum in quo ante contraventionem quomodolibet erant statum restituisse, ac reposuisse prorsus, & omnino debeat eandem tenore praesentium praesigimus, quo termino elapso, praemissisque non parito, statim, & eo ipso absque alia declaratione intrare omnes, & singulas penas etiam per Nos, ut praefertur, additas, ac dilectum filium Cam. praedictae Commissarium Generalem posse, & debere ejusdem Camerae nomine, absq; alia declaratione, & nemine citato, manuae regia, & executive, ac etiam de facto circa vitium, spolia, nullitatis, & attentatorum possessionem bonorum, & jurium super quibus initi fuerint contractus capere ad effectum illa ex tunc in perpetuum, vel durante vita perpetram, ut praefertur, contrahentes, respective juxta dictas Praedecessor. praedictorum, & hanc nostram Constitutiones retinendi, fructusque illorum ad utilitatem ejusdem Camerae percipiendi, ac insuper etiam pretia bonorum, & jurium hujusmodi, & quae loco pretii erunt pro eadem Camera, etiam si quoad contrahentes, & eorum quemlibet pretia restituta, aut alia in recompensam soluta, vel ab eis quomodolibet promissa, ac inter Partes conventa adimpleta non fuerint percipere, & exigere, neminemque etiam minorem cujuscumque aetatis, ex quacumque causa quantumvis legitima, & favorabili, & ex quocumque capite, & praetextu quominus praemissa omnia, & singula infra dictum terminum, omnino adimpleat, illoque elapso, & praemissis integre non adimpletis penas praedictas incurrat excusari posse, aut debere, reservata tamen, minoribus praedictis contra illos, qui eorum nomine contraxerunt actione; illos vero, qui, ut praemittitur, alieno nomine contraxerunt, vel consensum desuper quomodolibet praestiterunt, cujuscumque gradus, conditionis, & dignitatis existant, si praemissa non adimpleverint nostri, & pro tempore existentis Rom. Pont. arbitrii penas eo ipso incurrisse, & incurere.

Notariis injuncte hujusmodi revocationem adnotare in margine.

§.15. Tabelliones quoque, & Notarios quoscumque etiam Sedis Apost. nuncupatos, eam de numero participantium intra eundem trium mensium terminum tam in exhibendo instrumenta super praemissis per eos confecta, quam etiam in adnotando in margine ipsorum instrumentorum, cassationem, revocationem, retractationem, restitutionem, & repositionem in pristinum omnium, contra earundem, Constitut. tenorem gestorum paruisse debere, alioquin privationis officiorum suorum, omnesque alias penas in hujusmodi Constitutionibus inflictas incurrisse decernimus, & declaramus.

§.16. Inherentes autem etiam hac in

parte praefatarum Constitutionum, eorumdem Praedecessorum dispositioni, volumus, & expresse declaramus bonorum, & jurium praefatarum appellatione neque, portiones, seu loca montium, neque officia Romanae Curiae comprehendi.

Loca Montium, neque Officia Romanae Curiae comprehenduntur

§.17. Decernentes etiam praesentes literas, omniaque, & singula in eis contenta etiam ex eo quod quicumque in praemissis, seu eorum aliquo interesse habentes, seu habere quomodolibet praetendentes ad ea minime vocati, & auditi, causaque propter quas eadem praesentes emanarunt, justificatae non fuerint, nullo unquam tempore de subreptionis, vel obreptionis, seu nullitatis, aut invaliditatis vitio, seu intentionis nostrae, aut alio quovis defectu notari, impugnari, invalidari, retractari, in jus, vel contraverfiam revocari posse sed illas semper validas, firmas, & efficaces existere, & fore, ac per omnes, & singulos ad quos spectat, & quomodolibet spectabit in futurum, inviolabiliter observari; sicque, & non aliter in praemissis omnibus, & singulis per quoscumque Judices ordinarios, & delegatos etiam causarum Palatii Apost. Auditores, & Clericos Praesidem, aliosque Ministros, & Officiales Camerae praedictae, necnon S. R. E. Camerarium, sive Procamerarium, & quoscumque alios Card. etiam de Lateran. Legatos, ac Nuntios, ac alios quavis potestate fungentes nunc, & pro tempore existentes sublata eis, & eorum cuilibet quavis aliter judicandi, & interpretandi facultate, & auctoritate, judicari, & definiti debere, ac irritum, & inane, si fecus a quoquam quavis auctoritate scienter, vel ignoranter contigerit attentari.

Clausula praeservativa.

§.18. Injungentes, & mandantes in virtute sanctae obedientiae, ac sub poena indignationis nostrae eidem Camerario, seu Procamerario, Legatis, Vicelegatis, ac Thesaurario nostro generali, necnon, Gubernatoribus, etiam Urbis, & quibusvis aliis Judicibus nunc, & pro tempore in eadem Urbe, & toto Statu nostro Ecclesiae, existentibus, & cuilibet eorum, ut praesentes nostras, & in eis contenta quaecumque in Urbe, ac Statu praedictis ab omnibus, & singulis ad quos quomodolibet spectat, & in futurum spectabit perpetuo observari mandent, & faciant, & pro omnium, & singulorum praemissorum inviolabili observatione contra inobedientes, & praemissis in aliquo contravenientes, & alios quos opus erit omnibus juris, & facti remediis oportunitis procedat omni, & quacumque appellatione remota.

Executorum deputatio.

§.19. Non obstant. praemissis, necnon praefatis Constitut. & Ordinationibus Apost. ac etiam Cancellariae nostrae regulis, etiam illa de non tollendo jure quaesito, ac quibusvis primogenituris, juribus succedendi, fideicommissis purificatis, & purificandis, ac ultimis voluntatibus, donationibusque, & pactis quibuslibet, necnon statutis, & consuetudinibus etiam immemorabilibus etiam juramento, confirmatione

Derogatio contrariorum

ne Apost. vel quavis firmitate alia roboratis privilegiis quoque, indultis, & literis Apost. quibusvis locis, & personis sub quibuscumque tenoribus, & formis, ac cum quibusvis etiam derogatoriis derogatoriis, aliisque efficacioribus, & insolitis clausulis, ac decretis etiam irritan. in genere, vel in specie, etiam motu, scientia, deliberatione, & potestatis plenitudine similibus etiam consistorialiter, etiam ad Imperatoris, Regum, aliorumque Principum, & Rerumpubl. instantiam, seu illorum intuitu, & contemplatione, ac aliis quomodolibet in contrarium præmissorum quomodolibet concessis, confirmatis, & pluries innovatis, omnibusque illis, quæ dicti Prædecessores in suis respective Constitutionibus prædictis voluerunt non ob stare; Quibus omnibus, & singulis, etiam si de illis, eorumque totis tenoribus specialis, & expressa, ac de verbo ad verbum, non autem per clausulas generales idem importantes mentio facienda, seu quævis alia exquisita forma servanda esset, tenores hujusmodi præsentibus pro plene, & sufficienter expressis, ac de verbo ad verbum insertis habentes, illis aliis in suo robore permanentibus, ad præmissorum effectum specialiter, & expresse derogamus, ac derogatum esse volumus, cæterisque contrariis quibuscumque.

Forma publicacionis.

§.20 Ut autem nemo præmissorum ignorantiam allegare possit, volumus, quod eadem præsentibus per aliquem, seu aliquos ex Curforibus nostris in valvis Ecclesie S. Joan. Later., & Basilicæ Principis Apost., ac in acie Campi Floræ de Urbe assignantur, & publicentur, quæ sic affixæ, & publicatæ omnes, & singulas arcitent, & afficiant, ac si unicuique eorum personaliter intimatæ, & notificatæ fuissent.

Transumptio- rum hujus.

§.21 Quodque eorumdem præsentium transumptis, etiam impressis, manu alicujus Notarii publici subscriptis, & sigillo alicujus personæ in dignitate Ecclesiastica constitutæ munitis, eadem prorsus fides in iudicio, & extra adhibeatur, quæ ipsi præsentibus adhiberetur, si forent exhibitæ, vel ostensæ.

Dat. die 1. Febr. 1650. An. VI.

Datum Romæ apud S. Mariam Majorem sub Annulo Pisc. die 1. Febr. 1650. Pont. nostri Anno VI.

CXXXIV.

Concessio Indulgentiarum præsentis Anni Jubilei pro Monialibus, Anachoretis, Eremitis, Carceratis, & Infirmis.

Consimilem gratiam fecit Urbanus VIII. in Anno Jubilei 1625. Monialibus, & Anachoretis, in Constit. L. Tom. V. Par. V. fol. 212.

INNOCENTIUS PAPA X.
Ad futuram rei memoriam.

Exordium.

Pontificia sollicitudo quamvis omnium Christianissimorum salutem prospiciat, præ-

cipue tamen spiritualibus sanctimonialium profectibus paternæ charitatis affectu studet providere, ipsæ enim sunt filix, quæ oblitæ populum suum, & domum Patris sui, animi splendore cœlestem Regem oblectant: ipsæ sunt prudentes virgines, quæ lampades suas charitatis flamma succensas provide aptantes meliorem partem elegerunt, dum vitam cœlitus petitam ducunt non modo sibi ipsis ac cœlum viam sternunt, sed juniis, vigiliis, & orationibus, cæteris quoque Christianidelibus eam aperire student.

§.1. Quare summopere optandum est, ut vitæ rationem, quæ eas Angelis quodammodo æquat, constantissime retineant ac dent operam, ut sicuti præclaros hic agunt de carne in carne triumphos, ita post hujus vitæ certamina in cœlesti patria feliciter coronentur. Quoniam autem consimile vitæ genus quamplurimi Anachoretæ, atque Eremitæ, ut supernarum rerum contemplationi securius vacent, laudabiliter elegerunt, spiritualibus quoque ipsorum incrementis paternis visceribus maxime ducimus consulendum.

§.2. Cum igitur, tam ipsi, quam prædictæ sanctimoniales perpetua vivant clausura mancipatæ: Necnon multi, ut accipimus, utriusque sexus Christianifideles, partim carceribus detenti, partim vero diuturna infirmitate præditi, non solum in Alma Urbe nostra, & Italia, sed aliis etiam Regionibus, Provinciis, & locis reperiantur, qui, & quæ respective impedimentis hujusmodi remotis pro percipiendis præsentis Anni Jubilei fructibus ad Almam Urbem nostram omnino venirent & Basilicas, Ecclesiasticas ad id deputatas benedicente Domino indubitanter visitarent, ob prædicta impedimenta ad Urbem hujusmodi minime venire, neque respective Basilicas, & Ecclesias ipsas visitare, valeant.

Concedit pro ut in rubr.

§.3. Nos pro Pastoralis officii nostri debito, paternæque charitate illorum omnium animarum salutem, quantum cum Domino possumus, prospicere volentes: Omnibus, & singulis sanctimonialibus, necnon Anachoretis, atque Eremitis hujusmodi, necnon utriusque sexus Christianidelibus, tam carceratis, quam infirmis prædictis tantum, & qui aliis impedimentis longe carcerationis, ac diuturnæ infirmitatis cessantibus, ad hanc Almam Urbem pro thesauris spiritualibus hujusmodi consequendis venturi fuissent, vere poenitentibus, & confessis, quod in locis ubi eos esse contigerit, pia Christiana pietatis, & charitatis opera juxta formam ab Ordinariis locorum, seu sanctimonialium, de Anachoretarum, Eremitarumque hujusmodi, Superioribus, vel de eorum mandato a prudente Confessario: In Alma vero Urbe a dilecto filio nostro Vicario, seu ejus Vicegerente tantum præscribendam pro cujuslibet statu, & conditione, ac loci, & temporis ratione habita exercendo, & alia nostris in literis Indictionis Anni Jubilei

bilei contenta adimplendo omnes, & singulas Indulgentias, & peccatorum remissiones, etiam plenissimas consequantur, & eorum quilibet consequatur, quas consequerentur, & consequi possent, si in hoc præsentis Anni Jubilei diebus ad id statutus quatuor ad id deputatas Basilicas, & Ecclesias Almæ Urbis etiam extra illius muros, pro quibus visitandis Jubileum, & Indulgentiæ prædictæ concessæ sunt, personaliter visitarent, & eorum quilibet visitaret. Eisdemque Sanctimonialibus, & Christi Fidelibus impeditis hujusmodi, ut ad effectum præsentium Confessarios Presbyteros sæculares, vel cujus Ordinis Regulares ab eisdem Ordinariis locorum ad id approbatos, qui confessionibus eorum diligenter auditis, eos, & eorum quoslibet a quibusvis peccatis, criminibus, & delictis quantumcumque gravibus, & enormibus, etiam Sedi Apostolicæ reservatis, etiam in Bulla Cœnæ Domini contentis, injuncta eis poenitentia salutari, absolvere possint, eligere valeant, auctoritate Apostolica, tenore præsentium concedimus, & indulgemus.

Contraria tollit.

§.4. Non obstantibus Constitutionibus, & Ordinationibus Apostolicis, cæterisque contrariis quibuscumque.

Dat. die 12. Febr. 1650. An. VI.

§.5. Volumus autem, quod præsentium literarum transumptis, etiam impressis, manu Notarii publici subscriptis, & sigillo personæ in dignitate Ecclesiastica constitutæ munitis, eadem prorsus ubique fides adhibeatur, quæ ipsi præsentibus adhiberetur, si forent exhibitæ, vel ostensæ. Datum Romæ apud S. Mariam Majorem sub Annulo Piscatoris, die 12. Februarii 1650. Pontificatus nostri Anno VI.

Ex Regest. in Secret. Breve.

CXXXV.
Declaratio circa divisionem Provinciae Franciæ Ordinis Eremitarum S. Augustini alias factam.

INNOCENTIUS PAPA X.

Ad futuram rei memoriam.

Motiva.

§.1. Exponi Nobis nuper fecit dilectus filius Franciscus l' Abbe Ordinis Fratrum Eremitarum S. Augustini Provinciae Franciæ Professor, & in literaria facultate Parisiensi in Sacra Theologia Magister, necnon modernus Prior Domus Regularis Aurelianensis eorumdem Ordinis, & Provinciae Procurator ipsorum, Fratrum dictæ Provinciae nomine, quod alias fel. rec. Urbanus Papa VIII. Prædecessor noster præfatam Franciæ hujusmodi Provinciam, in duas, unam videlicet Franciæ & aliam Bituricensis, seu S. Gujelmi respective nuncupatas Provincias divisit, ac unicuique ex sic divisis Provinciis hujusmodi sua regularia loca, & Conventus nominatim assignavit, prout in eisdem Urbani Prædecessoris literis in simili forma Brevis desuper sub die 10. Septem. 1625. Bull. Rom. Tom. VI. Par. III.

expeditis debitaque executioni demandatis, quarum tenores, præsentibus haberi volumus pro expressis plenius continetur. Nihilotamen minus Ven. Frater Franciscus modernus Episcopus Ambianen. in Domum Regularem Ambianen. dicti Ordinis per divisionem Apostolica auctoritate, ut præfertur, factam, dictæ Provinciae Franciæ assignata fuit, Fratres dicti Ordinis præfatæ Provinciae Bituricensis, seu S. Guillelmi absque ulla sibi desuper a Sede Apostolica concessa facultate, sub pretextu reformationis in ea restituendæ introduxit, commissis hac in re per ipsum Franciscum Episcopum, necnon dilectos filios Franciscum Barbotean. ejus in spiritualibus Vicarium Generalem, & Officialem, ac Promotorem Fiscalem illius Curie Episcopalis, variis pluries, & iteratis vicibus attentatis, prout in quadam Sententia per eundem Franciscum Episcopum desuper de anno 1643. lata uberius etiam contineri dicitur.

Supplicatio.

§.2. Subinde dilectus pariter filius Salvator Severinus dicti Ordinis professor, & illius tunc Vicarius Apostolicus Generalis, eandem Domum Regularem Ambianen. dictæ Provinciae Bituricensis, seu Sancti Guillelmi contra præfatarum ejusdem Urbani Prædecessoris literarum dispositionem per quoddam suum Decretum sub die 20. Novembris anni 1648. emanatum univit.

§.3. Cum autem, sicut eadem expositio subiungebat, præmissa per eosdem. Franciscum Episcopum, ejusque Vicarium Generalem, ac Officialem, necnon Promotorem Fiscalem, Salvatoremque Severinum præfatarum attentata, & nulla Sedis Apostolicæ auctoritate suffulta, ut præfertur, facta, nulla sint; Nobis propterea idem exponens nomine totius Provinciae Franciæ præfatæ humiliter supplicari fecit, ut præmissa omnia nulla, & irrita declarare, aliasque in eisdem præmissis providere de benignitate Apostolica dignaremur.

Gela quæcumque revertat.

§.4. Nos igitur eundem exponentem specialibus favoribus, & gratis prosequi volentes, & a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodatus existit, ad effectum præsentium dumtaxat consequendum harum serie absolventes, & absolutum fore censentes, hujusmodi supplicationibus inclinati. De Venerabilium Fratrum nostrorum S. R. E. Cardinalium negotiis, & Consultationibus Episcoporum, & Regularium, præpositorum consilio, quibus scriptæ preces examinandæ a Nobis remissæ fuerunt, visis eisdem Urbani Prædecessoris literis, ac juribus Fratrum dictæ Provinciae Franciæ, illisque accurate perpensis, vocatis quoque, & auditis dilectis filiis Christiano Mesnager, & Augustino Brucher dicti Ordinis Professoribus dictæ Provinciae Bituricensis, seu S. Guillelmi pro negotiis ejusdem

D d

Pro.

Provinciae in Romana Curia degentibus, causaque sepius proposita, & mature discussa non licuisse praefato Salvatore Severino tunc Vicario Apostolico hujusmodi distributionem Conventuum Provinciarum hujusmodi, contra formam praenominatarum ejusdem Urbani Praedecessoris litterarum immutare, Apostolica auctoritate, tenore praesentium declaramus, gesta quae tam per ipsum Salvatorem Severinum Vicarium Apostolicum, quam per eundem Franciscum Episcopum, ejusque Curiam in praedictum nedum Fratrum dicti Ordinis Provinciae Franciae, verum etiam totius ipsius Ordinis, eorumque jurium, exemptionum, & privilegiorum tanquam irrita, & attentata revocamus, & ad pristinum Statum reducimus, spoliatosque ad suum Conventum restitimus ex praescripto litterarum ejusdem Urbani Praedecessoris ita tamen, ut divinus cultus, & regularis disciplina [si in aliqua diminuta fuerunt] per zelantes, & Religiosos viros a dilecto filio Priore Generali dicti Ordinis deputandos sedulo restituantur, salva tamen semper in praemissis auctoritate Congregationis eorumdem Cardinalium.

Decretum observari mandatur.

Contraria revocantur.

Transumptis fidei auctoritate.

§.5. Decernentes praesentes litteras validas, firmas, & efficaces existere, & fore, suosque plenarios, & integros effectus sortiri, & obtinere, & ab omnibus, & singulis quos illae concernunt, & concernent in futurum inviolabiliter observari; Sicque per quoscumque Judices ordinarios, & delegatos etiam Caesarum Palatii Apostolici Auditores judicari, & definiri debere, ac irritum, & inane, si secus super his a quoquam quavis auctoritate scienter, vel ignoranter contigerit attentari.

§.6. Non obstantibus praemissis, ac Constitutionibus, & Ordinationibus Apostolicis, ac Ordinis, & Provinciarum hujusmodi, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & litteris Apostolicis, quibusvis personis sub quibuscumque tenoribus, & formis, ac cum quibusvis etiam derogatoriis derogatoriis, aliisque efficacioribus, efficacissimis, & insolitis clausulis, irritantibusque, & aliis decretis in contrarium praemissorum quomodolibet concessis, confirmatis, & innovatis. Quibus omnibus, & singulis etiam si de illis, eorumque totis tenoribus specialibus, specifica, expressa, & individua, ac de verbo ad verbum, non autem per clausulas generales idem importantes mentio, seu quavis alia expressio habenda, aut aliqua alia exquisita forma ad hoc servanda illorum omnium, & singulorum tenores praesentibus pro plene, & sufficienter expressis, ac de verbo ad verbum insertis habentes, illis aliis in suo robore permanentibus ad praemissorum effectum, hac vice dumtaxat specialiter, & expresse derogamus, ceterisque contrariis quibuscumque.

§.7. Volumus autem, quod praesentium transumptis fidei auctoritate.

tium transumptis, etiam impressis, manu Notarii publici subscriptis, & sigillo alicujus personae in dignitate Ecclesiastica constitutae munitis, eadem prorsus fides ubique tam in iudicio, quam extra adhibeatur, quae praesentibus adhiberetur, si forent exhibitae, vel ostensa.

Datum Romae apud S. Mariam Majorum sub Annulo Piscatoris die 23. Maii 1650. Pontificatus nostri Anno VI.

Dat. die 23. Maii 1650. An.VI.

CXXXVI.

Absolutio Regis Catholici ob conventionem proventuum Cruciate subsidii, & primae Decimae in alios usus quam eos, pro quibus concessi sunt, cum Decreto, ut imposterum observetur in omnibus, & per omnia tenor gratiarum hujusmodi.

Charissimo in Christo filio nostro Philippo Hispaniarum Regi Catholico.

INNOCENTIUS PAPA X.

Charissime in Christo fili noster salutem, & apostolicam benedictionem.

§.1. P ropensa nostra in Majestatem tuam charitas fecit, ut securitati conscientiae tuae, quantum cum Domino possumus, libenter consulamus. Tu siquidem nomine Nobis nuper expositum fuit, quod cum Indulgentiae, & gratiae spirituales, & temporales, quae a Romanis Pontificibus Praedecessoribus nostris clar. mem. Philippo II. Avo, & Philippo III. genitoribus tuis Hispaniarum Regibus Catholicis Antecessoribus tuis, eorumque Subditis concessae, & a felic. record. Urbano Papa VIII. etiam Praedecessore nostro ad usum lactiniorum pro personis Ecclesiasticis secularibus inibi expressis extensa, necnon ab eodem Urbano Praedecessore pluries, ac a Nobis etiam pro Majestate tua, ac subditis tuis prorogatae fuerunt, intuitu, & occasione expeditionis contra Turchas, Mauros, & Saracenos concessae fuerint, & praeterea cum in concessione subsidii quadringentorum, & viginti millium ducatorum eisdem Regibus per eisdem Rom. Pontifices facta, & per Nos, & pro Majestate tua prorogata ordinatum reperitur, ut ex proventibus inde percipiendis sexaginta triremes sustentari debeant, necessitatibus interdum ita exigentibus, tu proventus ex supradictis, & primae Decimae gratiis perceptos, non in supradictos, sed in alios quam eos, quorum intuitu, concessae, & prorogatae fuerunt usus convertere coactus fuisti, ac idcirco super hoc tibi pro conscientiae tuae securitate quatenus opus sit per Nos gratiose indulgeri summopere desideres.

Exordium.

Proventus subsidii, ac primae decimae in alios usus converti permittit.

§.2. Nos itaque eandem Majestatem tuam ob ejus eximia in Nos, & Apostolicam Sedem merita amplioribus favoribus, & gratiis prosequi volentes, ac litterarum Apo-

Apostolicarum super concessionibus, & prorogationibus dictarum gratiarum, & cuiusvis illarum etiam in forma brevis, aut alias quomodolibet expeditarum tenores, dat. praesentibus pro expressis habentes, supplicationibus ejusdem Majestatis tuae nomine super hoc humiliter Nobis portectis inclinati, te a quibuscumque censuris, & poenis Ecclesiasticis forsitan incurris, & quocumque peccati reatu, & conscientiae scrupulo, ex eo, quod pecunias, & proventus, ex supradictis gratiis Indulgentiarum nimirum, earumque extensionis, quoad usum lactiniorum praedictae, ac subsidii, & primae Decimae perceptos in alios, quam eos, ad quorum effectum concessae fuerunt, usus quomodocumque converteris, auctoritate Apostolica tenore praesentium in utroque foro, quatenus opus sit, gratiose absolvimus, & plenissime liberamus, ac censuras, & poenas hujusmodi, necnon quancumque eorumdem proventuum, & notabilem, & notabilissimam summam per te in alios hujusmodi usus conversam tibi remittimus, & condonamus.

§.3. Volumus autem, ut de cetero tenor gratiarum hujusmodi in omnibus, & per omnia exacte observetur, super quo ejusdem Majestatis tuae conscientiam oneramus.

Contrarius derogat.

§.4. Non obstantibus praemissis, & quibusvis aliis conditionibus, clausulis, & decretis in dictarum gratiarum, & cuiuscumque illarum concessionibus, & prorogationibus appositis, ac Constitutionibus, & Ordinationibus Apostolicis, ceterisque contrariis quibuscumque.

Dat. die 11. Junii 1650. An.VI.

Datum Romae apud S. Mariam Majorum sub Annulo Piscatoris, die 11. Junii 1650. Pont. Nostri Anno VI.

CXXXVII.

Declaratio, quod Indulgentia Portiunculae in Anno Sancto non revocatur.

Similem declarationem peregrit Urbanus VIII. Constit. 68. Cum nuper Tom. V. Par. V. fol. 240. in Anno Sancto 1625.

INNOCENTIUS PAPA X.

Ad futuram rei memoriam.

Exordium.

CUM ob Sacri Jubilaei celebrationem a vigilia Nativitatis Domini Nostri Jesu Christi praesentis anni inchoatam, & usque ad finem ejusdem anni duraturam, omnes, & singulas Indulgentias, etiam perpetuas, & peccatorum remissiones quibusvis Ecclesiis, Monasteriis, Hospitalibus, & aliis locis piis, secularibus, & quorumvis Ordinum, etiam Mendicantium Regularibus, sub quibuscumque tenoribus, & formis, ac cum quibusvis clausulis, & decretis quomodolibet concessas, deque Apostolicae potestatis plenitudine suspenderit, ac suspensas esse declaraverimus, ac suspensas esse declaraverimus, ac suspensas esse declaraverimus.

Bull. Rom. Tom. VI. Par. III.

verimus, easque eodem anno durante nulli prodesse, ac suffragari debere decreverimus, prout in nostris sub plumbo desuper expeditis litteris, quarum tenores praesentibus pro expressis haberi volumus, plenius continetur.

§.1. Nos cupientes, ut Ecclesia Sanctae Mariae Angelorum domus Ordinis Fratrum Minorum Sancti Francisci de Observantia prope, & extra muros Civitatis Assisientis congruis frequentetur honoribus, ad eamque Christianifideles eo libentius accedant, quo exinde spiritualibus gratiis se uberius refectos conspexerint.

§.2. Tenore praesentium declaramus mentis, & intentionis nostrae minime fuisse, nec esse sub praedicta Indulgentiarum suspensione Indulgentiam utriusque sexus Christianifidelibus praedictam Ecclesiam die secunda mensis Augusti a primis Vesperis usque ad occasum solis diei hujusmodi visitantibus, & requisita pro eadem Indulgentia consequenda peragentibus concessam comprehendere, prout minime comprehendimus, nec comprehensam esse in verbo Romani Pontificis attestamus. In contrarium facientibus non obstantibus quibuscumque.

Datum Romae apud Sanctam Mariam Majorum sub Annulo Piscatoris, die 5. Julii 1650. Pontificatus nostri Anno VI.

Dat. die 5. Julii 1650. An.VI.

CXXXVIII.

Constitutio super approbatione, & usu Ceremonialis Episcoporum, & aliorum Ecclesiarum Praelatorum novissime reformati.

Pontificalis pro ritibus Ecclesiae observandis editionem, & approbationes habes Clementis VIII. Constit. 117. Ex quo. Tom. V. P. II. f. 92.

INNOCENTIUS PAPA X.

Ad perpetuam rei memoriam.

ET si alias fel. rec. Clem. Papa VIII. Praedecessor noster Ceremoniale Episcoporum, omnibus Ecclesiis, praecipue autem Metropolitanis, Cathedralibus, & Collegiatis perutile, ac necessarium, in quo ritus, & Ceremoniae celebrandi divinae Officia, ac in aliis Ecclesiae functionibus, & actionibus, ab iisdem Episcopis, aliisque Praelatis inferioribus observanda, ac modus etiam praecedendi tam inter personas ipsas Ecclesiasticas, quam etiam inter eas, & Laicos similiter servandus continentur, multis antea mendis refertum, corrigi, & restitui curaverit, attamen successu temporis compertum est plurimos errores, & mendas in idem Ceremoniale sive diuturnitatis injuria, sive Typographorum incuria, aliave de causa irreplisse, illudque proinde iterata emendatione indigere.

Exordium.

§.1. Ea propter Nos pro pastoralis nostra

D d 2